



## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

Sect. VII. Quomodo obligati sigillo possint aut debeant interroganti de ejus  
materia respondere?

**urn:nbn:de:hbz:466:1-37144**

## SECTIO VII.

*Quomodo obligati sigillo possint, aut  
debeat interroganti de ejus ma-  
teria respondere?*

Obligati sigillo possunt variè interro-  
gari, nimis rūm 1. ex malitia à tyranno,  
vel alio impio homine. 2. ex infideli, vel  
simplicitate ab aliis. 3. an pœnitens sit  
confessus hoc vel illud peccatum suum  
notorium; vel occultum? 4. simpliciter,  
an non id sciant, vel audiverint? vel 5.  
expressè, an non sciant ex confessione? an  
non in ea audiverint? Quid in tali casu  
quisque posse, aut debeat dicere, hic ex-  
plicandum est.

## §. I.

*Quomodo de notoriis; & ad inter-  
rogationem simplicem?*

265. Itaque I. Confessarius, si in-  
terrogetur, an pœnitens peccatum, quod  
est notorium, vel saltem interroganti no-  
tum, sit confessus, non potest id negare;  
quia redderet pœnitentem suspectum de  
confessione non integrè facta. Sed ne-  
que etiam potest id affirmare, quia esset  
contra sigillum. *Sup. n.222. cum seq. &*  
*infr. n.284.* Debet ergo dicere, se fun-  
ctum esse suo officio. Palao *cit. p.19. §.23.*  
*n.13.* Dian. *p.5. tr.11. Ref.43. v. Non de-  
finam.* vel pœnitentem fecisse, quod judi-  
cavit sibi esse faciendum. Potest etiam  
interrogantem ad ipsum pœnitentem re-  
mittere, vel cum æquæ invocatione aliqua  
aliud quid respondere. Dicast. *n.114.* Ex-  
pedit quoque, ut interrogans, et si sit su-  
perior aut Judex, maximè cum ex sim-

plicitate, vel incogitantiâ & bonâ fide  
interrogatio provenit, objurgetur, quod  
talia audeat querere, quæ et si Confess-  
arius sciret, deberet tamen potius mortem  
subire, quam edicere. Coninch. *Diss. 9.*  
*n.25.* Laym. *l.5. tr.6. cap. 14. n.12.* Palao &  
Dian. *ll. cc.*

Interpres & Internuntius recte faciunt,  
si hinc eodem modo se gerant, sicut Con-  
fessarius. Si tamen peccatum pœnitentis  
esset soli interroganti notum, possent  
etiam juxta dicenda infra simpliciter ne-  
gare, eum id esse confessum; quia pœni-  
tens in tali casu non est obligatus confiteri  
cum materiali integritate juxta Laym. *l.5.*  
*tr.6. cap.6.n.5.* Fag. *Prec.2. lib.2. cap.6.n.6.*  
Dian. *p.3. tr.4. Ref.129.* vide Lugo *Diss. 15.*  
à *n.62.*

266. II. Si Confessarius interrogetur  
simpliciter: an non hoc vel illud occul-  
tum peccatum sciat, vel audiverit fuisse  
commisum à pœnitente, qui verè id ipsi  
est confessus; tunc potest liberrimè, &  
si silendo vel objurgando pœnitentem,  
vel dicendo se functum suo officio, ad-  
vertit se daturum ansam suspicioni depec-  
cato commisso, etiam tenerur rotundè  
dicere, *Se nihil scire;* uti & *se nihil de illis  
audivisse,* quia in uno non est major  
difficultas, quam in altero, ut malè pu-  
tavit Sotus. Potest insuper, & debet, si  
necessè sit, ita dicere etiam cum jura-  
mento solemnissimo, licet antè cum si-  
mili aut alia quacunque solemnitate jura-  
verit, se veritatem ad interrogata dictu-  
rum. Fag. *lib.6. cap.4. n.30.* Tan. *tom.4.*  
*Diss. 6. q. 9. n.133.* Laym. *l.c. cap.14.*  
*n. 12.* Reginald. *l.3. n. 22.* Bonac.  
*tom. 1. Diss. 5. q. 6. sett. 5. p. 4. n. 11.*  
Barb.

## Quomodo ad Interrogationem expressam de Confessione?

Barb. in Collectan. ad cap. omnis utriusq; 13. de remiss. & pœnit. n. 18. Dian. cit. Ref. 43. cum S. Thoma. & omnibus aliis teste Lug. n. 73. contra Altisiodorensem & Gabriel. quorum sententia censetur erronea. Ratio, quia ultimata intentio ita simpliciter interrogantis, uti debet esse, sic semper presumitur esse tantum de scientia & auditione humana, spectante ad commercium humanum, communicabili aliis &c. non de Divina, extra commercium hominum positam, incomunicabili &c. atque cum & ad intentionem interrogantis, & ad nostram mentem conformiter respondemus, non possumus ullo modo ari- gui alicujus mendacii aut perjurii. Tan. tom. 3. Disp. 5. q. 2. n. 29. ergo nec hic Confessarius.

Deinde verba hæc: scio, audivi, nihil scio, nihil audivi, sunt æquivoca, & ex via sua impositionis significant plura inter se diversa, ut modo indicavi, atque ex justa causa licitum est alicui respondere per verba æquivoca, accipiendo illa in eo sensu, qui verus est, et si interrogans putet per suum errorem, illa accipi in alio, & eo, qui hic & nunc falsus esset. Laym. L. 4. tr. 3. cap. 13. n. 5. Azor. p. 1. lib. II. cap. 4. q. 5. Tan. tom. 3. Disp. 6. q. 2. n. 23. & alii. vide sup. lib. I. p. 3. n. 219. & seq. ergo Confessarius si simpliciter tantum interrogetur, rectissime dicit, vel etiam jurat, se de peccato pœnitentis nihil scire, nihil audisse, hoc est, scientiam humanam, communicabili aliis &c. et si interrogans putet, eum loqui etiam de scientia Divina, Sacramentali &c. Atque hæc quoad interrogationem simpliciter fa-  
ctam.

R. P. Stoß Trib. Pœnit. Lib. II.

267. Sed quid & quomodo Confessarius loqui potest, aut debet, cum interrogans expresse vult & querit, an non ex confessione Sacramentali sciat? an non in ea audiverit, pœnitentem hoc vel illud peccasse? Vel cum à verbis, quæ ex sua impositione, vel saltem ex circumstantiis aliquibus temporis, loci, modi, personæ, &c. æquivoca forent, persuam interrogationem omnes alios sensus excludit, & tantum ad unum constringit; sicut etiam hic fieri posse putat Laym. Reginald. Bonac. Azor. II. cc. Dicast. n. 132. & alii cum Soto, ut si querat v. g. an non peccatum pœnitentis sciat scientiam etiam Divinam Sacramentali? an non aliquo quoconque tandem modo audiverit? &c.

Et vero in isto Casu Autores citati præter Dicast. existimant, Confessario nihil aliud superesse, quam ut objurget tam sacrilegè interrogantem; vel dicat, nefas esse ad tam sceleratam interrogationem respondere. Verum quia hujusmodi tergiversatio planè malignam facit suspicionem de notitia peccati a pœnitente comis- si & confessi; cum alioqui confessarii lice- te possint, & communiter statim soleant expresse negare: ideo omnes alii docent, Confessarium neque per istam, neque per ullam aliam interrogationis formam posse unquam ita constringi, ut non adhuc semper liberè & rotundè licitissime que dicere possit, & debeat, etiam cum Ju- ramento, & post Juramentum de dicen-

da veritate factum; senihil scire, etiam ex confessione, etiam scientia Divina, ut ministerium DEI &c. se nihil in confessione audiisse de illo peccato; senullo, quoctunque tandem modo scire, vel audiisse &c. Hoc autem ut melius intelligatur, quo modo & sensu fieri possit, lucem dabunt sequentia. Nam

268. Certum est I. quod in nullo casu licet mentiri, cum mendacium sit intrinsecè malum. Laym. lib. 4. tr. 3. cap. 13. n. 8. & sup. p. 3. n. 216.

Certum est II. quod itidem in nullo casu licet sigillum confessionis sine expressa penitentis licentia revelare. sup. n. 190.

Certum est III. quod necessarium sit ad humanum commercium, ita sincere & fideliter unum cum altero loqui & agere, ut nemo licet possit alterum per se & directè velle decipere; deceptio enim (sive verbo, sive facto fiat) etiam est aliquod malum, quod neque sibi, neque alteri directè inferre licet. Tan. tom. 3. Disp. 6. q. 2. n. 24. quamvis ex justa causa licet aliquis permittere possit, sicut aliud malum proximi, ita & hoc, ut ille vel a se ipso per errorem suum, vel ab alio decipiatur, maxime si quis id sine proprio suo vel tertii damno impedire nequeat. Laym. l. c. n. 10 v. confirmatur.

Certum est IV. Quod & quæ necessarium sit ad commercium humanum & Reipubl. bonum, ut detur aliquis modus, quo quilibet sua secreta posit ita tegere, & recondita servare, ut ipsi invito nemo possit per ullam iniquitatem interrogationem extorquere. Tan. l. c. n. 34. v. absurdum. Si enim licet cuilibet quævis

alia sua bona contra violentos aggressores tueri, cur non & sua arcana? sane in utroque foro tam à Jurisperitis, quam à Theologis receptum est, legitimo quoque; Judicis non legitimè, sub quacunque tandem arctissima forma interroget, posse adhuc licito quodam modo & sine mendacio celari veritatem. Aliquos ergo tales modos hic subjungo, & ad propositam filii materiam applico.

### §. III.

*De Responsione per Reservationem mentalem.*

269. Primum & valde communis est per Reservationem mentalem; si nimis Confessarius dicat exterius; non scio ex confessione; non audiui ullo modo Ec. reservans in mente; ut ullo modo possim, ut teneam sine licentia penitentis tibi revelare. Id enim quod exterius dicit, & id quod in mente reservat, si simul sumantur, faciat unam integrum propositionem, quæ vocatur à Tat. i.e. Mixta, nempe ex vocali & ex mentali; & est ut sic verissima. Quod si quis ulterius urgeat, annona sciam, ut nullo modo possim ipsi revelare; velut non possim ipsi licet, possim tamen illicite revelare; tunc itidem possum, & debeo dicere inepto quæsitoris; neque hoc modo scio; reservans iterum & cogitans in mente; ut tibi dicam. Et in hoc modo putat Card. de Lugo n. 74 nullam esse difficultatem, si solum possit ostendit, quod sit immunis à mendacio.

Sed mihi in primis non videtur sufficiens. Si enim denique cogar meam ne-

scien-

scientiam profiteri his vel similibus verbis: *Non scio, etiam scientia Divinæ, & ex confessione peccatum pœnitentis v.g. homicidium, & me id non scire hoc modo, dico sine omni probris quacunque etiam licita reservatione mentali.* Nam si adhuc reservationem aliquam mentalem adhibeo, mentior; contra Dicast. n. 126. quia dico, me nullam adhibere, cum tamen adhibeam; si nullam adhibeo, iterum mentior, quia dico me nescire ex confessione, quod verè ex illa scio. Mentiri autem nunquam licet, ergo alius modus est adhuc excogitandus.

Deinde externas illas locutiones alteri factas, quæ per se plenum & perfectum sensum efficiunt, sed falsum, & non nisi cum addita reservatione aliqua mentali, verum, negat esse licitas Sotus, Cajet. Aragonius, Azor cit. q. 5. v. *Meo iudicio*, Laym. cit. cap. 13. n. 6. & 7., Lugo n. 75. & alii, quia non possunt satis excusari à mendacio. Nam perfecta propositio vocalis, hoc est, quæ per sola sua verba exterius prolata plenum & perfectum sensum jam ingenerat, si per eam alteri aliquid significare volumus, ut non sit mendacium, debet secundum se & suorum verborum sensum esse conformis menti loquentis; atqui cum Confessarius alteri dicit, v.g. *nihil scio ex confessione*, aut *scientia Sacramentali de hoc peccato pœnitentis*; propositio ista vocalis est quoad verba exterius prolata in se perfecta, sensumque ingenerat plenum & perfectum, neque tamen est conformis menti loquentis; quia verò novit se scire id ex confessione; ergo &c. Et verò quia alteri loquendo profert scienter orationem perfectam, sed secundum se fallam, vult

hoc ipso alteri falsum, & contra quam ipse in mente sentit, significare, ergo hoc ipso mentitur, ut argumentatur non male Laym. L. c. vide lib. I. sup. p. 3. n. 221. & seqq.

270. Objicies. In mente loquentis est hæc propositio mentalis: *nihil scio ex confessione, ut ullo modo sine licentia revelem*; ergo cum priorem ejus partem propositio vocalis (*nihil scio ex confessione*) significet, eaque sic indifferens ad admittendam etiam posteriorem, adhuc in mente retentam, jam est menti loquentis ejusque mentali propositioni inadæquatè conformis, adeoque adhuc vera & libera ab omni mendacio. Sic etiam pars in imagine Petri est, & esse potest inadæquatè similis, seu conformis Petro, et si omnes aliæ partes maneat contextæ. Ita sentit Dicast. n. 128.

Sed non satisfacit. Nam in primis propositio vocalis, de qua agimus, non significat priorem partem propositionis mentalis; quia illa dicit *absolute*, me nihil scire ex confessione; ista non dicit hoc *absolute*, sed cum aliquo addito. Deinde sicut quævis alia locutio alteri facta, quæ per se & sua verba exterius prolata sensum perfectum efficit, ita etiam hæc (*nihil scio ex confessione*) consistit quoad suam significationem in indivisibili, instar numeri v.g. ternarii, eique tam parum, ac numero potest aliquid addi, veldemi sine ejus destructione; ergo ad id, quod tantum in mente habetur, etiam non est indifferens *indifferentiæ formalis*, seu quoad significationem; sed ad summum tantum *indifferentiæ aliquâ materiali*, seu quoad sola sua verba, quibuscum adhuc alia quidem grammaticaliter

construi possunt, sed non manente eadem priore significacione, ut immidate ante ostendi. Denique ad hoc, ut locutio externa, per se perfectum sensum constituens, sit immunis à mendacio, non sufficit, eam esse menti loquentis, ejusque mentali propositioni conformem tantum inadæquate; quia alioqui jam nullum, vel ferè nullum mendacium amplius foret mendacium; cùm nullum non habeat, aut habere possit inadæquatam aliquam conformitatem cum mente loquentis, ut cuivis consideranti facile patet.

Exemplum à pictura petitum est manifestè contra ipsos adversarios. Nam nulla pars in imagine Petri, ne quidem inadæquate est, veldici potest similis Petro, si nulli ejus parti sit similis, nisi sumpta cum lineamentis illis, quæ pictor in tabula non expressit, sed in sola mente reservavit.

Quid autem multis? Locutiones externas, quæ per se perfectum sensum habent, & ad aliquid significandum sunt, maximè alicui alteri, si non sint veræ nisi cum eo, quod in sola mente reservatur, esse mendacium, patet ex Bulla S. D. N. Innoe. XI, 1679. 2. Martii edita, in qua inter sexaginta Propositiones prohibitas, est hæc 26. *Si quis vel solus, vel coram aliis, sive interrogatus, sive propriâ sponte: sive recreationis causa, sive quocunque alio fine juret, se non fecisse aliquid, quod revera fecit; intelligendo intra se aliud, quod non fecit, vel alia viâ ab ea, in qua fecit, vel quodvis aliud additum verum; revera non mentitur, nec est perjurus:* & in 27. prohibet etiam illam sententiam; *quæ docet, justam causam habendi reservâ-*

*tione mentali esse, quoties necessarium ab  
utile est ad salutem corporis, honorem, ac  
familiares tuendas, vel quemlibet alium vir-  
tutis actum, ita ut veritatis occultatio cen-  
seatur tunc expeditens & studiosa.*

#### §. IV.

*Per æquivocationem.*

271. Secundus modus sua secreta, & sigillum tuendi contra injustos seruatores est assignatus à Cardinali de Lug. Diff. 23. à n. 76. ubi ait, verba & propositiones vocales præter rem significare tem- per etiam conceptum loquentis, ita, ut cùm quis dicit v.g. *Petrus currit*, idem sit, ac si diceret: *scio, vel judico Petrum currere;* & cùm dicit: *scio Petrum currere;* idem est, ac si reflexè diceret: *scio, me scire Petrum currere;* vel cùm dicit: *nescio, non scio,* est iste sensus in- idem reflexus: *scio me non scire, &c.* Quia autem verbum *scio* est æquivocum, & significat tam scientiam utilem, quam scientiam inutilē ad dicendum, ideo cùm Confessarius interrogatur 1. an sciat hoc pénitentis peccatum ex ejus confes- sione: an id in ea audiverit &c. vel 2. an sciat, illum non esse confessum, se non audivisse in confessione? &c. rectè etiam juratus dicit cum æquivocatione. Ad primum, non scio, hoc est, scio scientia utili ad dicendum, me non scire ex confes- sione, in ea non audivisse &c. Ad secundum, rectè cum eadem æquivocatione dicit: *scio, hoc est, scio scientia utili ad dicendum, illum non esse id confessum, me non audivisse &c.* vel scio scientia utili ad dicendum, me scire, quod illud non sit confessus, quod non audi-

*vit.*

verim, &c. Hoc ipso enim scio, me scire, quod inimicum non oderim, si scio me non habere scientiam, aut memoriam talis odii; ergo si scientia utili ad dicendum scio, me non habere notitiam aut memoriam, quod aliquis sit mihi hoc vel illud peccatum confessus; hoc ipso jam vere dico: scio me scire, quod id mihi non sit confessus. Interrogatus denique 3. an non id sciat scientia confessionis? iterum respondere potest & debet, se non scire, in eodem sensu, quo responderet ad primam interrogationem.

Unde pater, quod juxta hunc modum æquivoca significatio verbi *scio* (quod respondens semper toti interrogationi superaddit) non possit unquamullo modo tolli, contra DD. *sup. n. 267.* relatos. Ratio, quia interrogans illa tantum verba, quibus interrogat, potest restringere; non autem id, quod illis primum respondens deber semper superaddere.

Ea, quæ contrà afferit Dicast. à *n. 129.* credo Card. Lugonem jam prævidisse; sed, quod hic tacitus prætermiserit, judiciale sue opinioni non multum obstat; maxime cùm sint tantum petita ex principiis Logicis, de quibus insuper adhuc etiam sub Judice lis est.

### §. V.

#### *Per immutationem significationis in verbis.*

272. Tertius modus colligi potest ex Val. tom. 3. Disp. 5. q. 13. p. 2. v. *Quidquid.* circa finem. ubi: *si quis,* inquit, *iniquè interrogetur, ei non minus licet usurpare verba ad significandum sensum,* quem vult; quam si à nullo prorsus de ul-

la re determinata interrogaretur: sicut cùm quis à nemine interrogatus secum ipse solus loquitur, potest, quod vult, per quæcumque verba sine mendacio intelligere, & per vocem *Homo* v. g. velle significare *Equum*; & per vocem *Equus* *Hominem* &c. sine ulla Reipubl. turbatione, sine ulla cuiusquam injuria. Non minùs, quam cuiquam licitum est in ordine ad scipsum solum, computare obolum pro ducato seu aureo, & aubreum pro obolo. Unde Azor cùm cit. p. lib. II. cap. 4. Reg. 5. simpliciter & absolute: *is mentitur*, inquit, *qui verba aliter accipit,* atque ipsa significant; intelligi debet tantum pro calu, quo loquens est aliquo modo obligatus ad verba sua in communi significatione usurpanda. Ratio enim doctrinæ ex Val. relatæ est, quia, ut ipse ait, *iniqua interrogatio ad nihil prorsus obligat interrogatum;* qui proinde non tenetur interroganti loqui, multò minùs ad ejus mentem respondere, adeoque nec voces, quibus uritur, in significatione illis publicè impositâ, & communiter usitatâ accipere. Injustè enim interrogans nullum habet Jus exigendi, ut quis ipsi & alio modo respondeat. Quod autem ille putet, sibi respondere loquentem, & quidem etiam ad suam mentem, ac juxta usitatam vocum significationem, atque ita seipsum decipiatur, sibi & non loquenti imputare debet.

Utritur quidem Val. hoc fundamento ad externas locutiones, quæ cum mentali reservatione fiunt, à mendacio excusandas; sed usus iste est à summo Pontifice *sup. n. 270.* v. *Quid multis?* prohibitus. Ipsum tamen fundamentum si firmum est, ut planè videtur, tunc Confessio-

fessarius jam potest sine omni reservatio-  
ne ad quancumque injustam interrogatio-  
nem de peccatis confessis, vel aliâ simili-  
materia respondere; nihil scio ex confes-  
sione; nihil in ea audiri &c. quia potest  
per hujusmodi verba (quibus, sicut hâc  
est licitum est, pro suo arbitrio aliam vim  
attribuit) nihil aliud velle significare,  
quam quod v. g. *Turca non sit Christianus*; *Tenebra non sint lux*; *tria non sint  
quatuor*; vel quidvis aliud, quod verum  
est, idque etiam, ut Val. recte addit, ju-  
ramento confirmare, si necesse sit. Non  
enim, ut dixi, tenetur Confessarius aut  
alius tam injustè & sacrilegè interroganti  
respondere ad ipsius mentem; nec verba,  
quæ profert, tenetur ad ipsum dirigere;  
nec ea in communi & usitatâ suâ significa-  
tione accipere. Neque tunc, si jurat,  
falso jurat, aut Nomen Domini in vanum  
assumit.

Modus autem iste nullatenus contraria-  
tur citatæ Pontificiæ prohibitioni. Nam  
loquens, sicut hâc juxta dicta potest, de-  
trahit verbis usitatam vim significandi, &  
aliam pro suo libitu imponit. Unde jam  
verba exterius ab ipso prolata non ideo  
vera sunt, quod intelligat intra se aliquid,  
quam ipsa verba significant; sicut fit in  
locutionibus cum reservatione mentali  
factis; sed ideo vera sunt, quia id, quod  
ex privata loquentis impositione signifi-  
cant, integrè & plenè dicunt esse, sicut  
est & in se, & in mente loquentis. Non  
involvit ergo iste modus ullam reserva-  
tionem; sed consistit in hoc solo, quod  
loquens usitatam vim significandi à ver-  
bis tollat, & aliam attribuat, cum in fa-  
li casu non sit obligatus ad utendum ver-  
bis in usitata communi significacione;

& ipsa etiam Respubl. videatur hanc po-  
testatem cuivis, in ejusmodi necessitate  
secretum suum contra injustum aggressio-  
rem tuendi, concedere juxta supposit. 4.  
sup. n. 268.

## §. VI.

*Per probationem tantum materia-  
lem verborum.*

273. Quartus modus insinuatur à Tan.  
tom. 3. Diff. 6. q. 2. n. 34. Nam, ubi  
inquit, *nulla loquendi vel respondendi ob-  
ligatio urget*, potest quis suo arbitratu ver-  
ba solum materialiter proferre; & qui-  
dem etiam si aliqui (formaliter & quoad  
significationem suam communem sum-  
pta) planè falsa sint. Vult quidem Tan.  
ex hoc principio inferre, quod licet sint  
in casu tali locutiones externæ cum men-  
tali reservatione factæ; sed rectius dici-  
tur, quod, supposito illo principio ut ve-  
ro, nulla prorsus sit necessitas ullius re-  
servationis. Et in nostro quidem pro-  
posito cùm Confessarius vel tunc ma-  
xime nullam habeat loquendi vel respon-  
dendi obligationem, quando injustè &  
impè interrogatur de peccatis peniten-  
tiis, ex sola eorum confessione Sacra-  
mentalit cognitis, potest ille semper ab-  
que omni reservatione mentali, loco re-  
sponsionis, materialiter hæc, aut similia  
verba proferre: *nihil ex confessione de pe-  
ccato hoc vel illo scio*; *nihil in ea de illo au-  
divi*, &c. quamvis arctissimè, &c. quod  
nunquam fieri potest, etiam ita strictè  
interrogaretur, ut si adem verba forma-  
liter seu enuntiativè diceret, verum non  
diceret. Quodsi ulterius urgeretur ad  
suam nescientiam contestandam his ver-  
bis;

bis : In sensu formalis & enuntiativè loquendo nihil scio ex Confessione &c. potest hoc ipsum totum, & quidvis aliud adhuc tantum materialiter proferte ob prædictam cauam.

Sed in hoc & priore modo sigillum vel aliud secretum tuendi, ut omnis abusus evitetur, bene observandum est, per leges Fidelitatis ad bonum commune & humanum commercium necessariae neutrū esse licitum, nisi cum his duobus requisitis. 1. ut constet, interrogacionem esse injustam; maximè si competens Judex aut legitimus superior interroget; cùm pro his eorumque Justitia semper, etiam in dubio, præsumi debeat. Azor. l.c. Reg. 4. 2. ut aliqua quoque necessitas cogat, & nullum aliud super sit medium, quo quis commodè possit suum secretum aliena notitia, & se gravi damno subducere. Sic etiam Laym. lib. 4. tr. 3. cap. 13. n. 11. ad licitum usum æquivocationis requirit causam justæ necessitatis. His ergo observatis, si quis verba proferat vel in aliena significatione, vel in omnino nulla; tunc neque interrogantem injuriā, neque Rempubl. vii. àmque socialem damno afficiet majore, quam si prædoni, bona ejus invadere volenti, exponat armam plumbō onustam, vel omnino vacuam, eāmque prædo arripiat, cum illaque discedat, ratus esse auro vel aliis rebus pretiosis refertam.

### §. VII.

#### *Per consignationem.*

274. Quintus denique modus sigillum vel aliud secretum servandi contra eos, qui injustis interrogationibus suis id extorquere conantur, defunxit ex Laym.

lib. 4. tr. 3. cap. 13. n. 7. v. Interim. & Tan. l. c. n. 28. qui ex communi docent, verba sèpe eo modo, & in iis circumstantiis proferri, ut ratione illarum præter id, quod ex vi primæ sue institutionis & expressè significant, simul etiam significant, & consignificant saltem implicitè aliquid aliud, ita ut audiens, inquit Laym. cit. n. 7. saltem generatim & confusè id facilè hinc & nunc advertere possit; & ab eodem, juxta Tan. etiam rationabiliter deberet tunc apprehendi & cognosci; maximè cum usus & consuetudo ita fert, ut homines per talia verba in talibus circumstantiis prolatæ communiter velint plus aliquid significare, quam alioquin ex sua impositione significant. Jam autem quod licet, aliquis loqui possit alteri, si id, quod dicit, verum sit accipiendo verba non inordinaria, quam secundum se habent; sed in adventitia illa significatione, quam tantum ex circumstantiis acquirunt, probat Tannerus inde, quia verba recte & sine mendacio usurpantur in eo sensu (verò) quem audiens ipse percipere potest & debet. Quod si non percipiat, tunc propriâ inscitiâ decipitur, inquit Laym. quod justè permittitur, si causa necessitatis postulet.

Jam ergo si Confessarius interrogetur de peccatis ex confessione cognitis, potest semper, sive sciat, sive non sciat, liberè, licetque respondere etiam cum juramento: *nihil scio ex confessione; nihil in ea audiri, &c.* Si enim re ipsa nihil sciat, tunc verum dicit accipiendo verba illa etiam in significatione, quam secundum se habent. Si autem re ipsa sciat, tunc itidem verum dicit, quia eadem verba in his circumstantiis præter significatione.

ficationem, quam secundum se habent, simul etiam significant, seu consignificant implicitè hoc: *ut teneat tibi dioere.* Ratio, qui omnibus jam constat, quod communiter omnes possint, & soleant talem additamentum habere in mente conceptum, quando injustè interrogati de aliquo secreto, quod sine gravi peccato vel damno aperire non possunt, nec etiam aliter occultare, id simpliciter negant; ergo verba, quæ secundum se simplicem negationem significant, hoc ipso jam in talibus circumstantiis, ex usu & consuetudine loquentium, simul etiam illum adjectum conceptum ita sufficienter significant, ut injustè interrogans posset, & rationabiliter deberet intelligere: imò communiter re ipsa & actu bene intelligit, & propterea variis viis conatur ab eiusmodi verbis consignificatum illud excludere; sed frustra. Est itaque talis negatio Confessarii v.g. omnino vera, non quidem per reservationem mentalem jam suprà rejectam, sed ideo, quia illa verba hoc ipsum, quod in mente loquenter superest, & verba prolata secundum se non significant, in istis circumstantiis, ex usu quoque & consuetudine loquentium, simul significant, seu *consignificant*. Et hoc in re non multum abhinc hic quoque optime observavit P. Richard. Archdekin in tripart. Theol. p. 3. tr. 3. cap. 4. n. 10.

Quod si aliquis non minus ineptè quam impie ulterius urgeat Confessarium: *an non ita sciat peccatum poenitentis, ut non teneatur;* aut *ut non licet posse dicere;* tunc idem potest, & debet rotundè negare, quia cùm in hac quoque quæstione & quavis alia simili maneant adhuc

eadem circumstantiae, verba etiam simpli-  
cis negationis eodem modo consignificant priorem appendicem: *ut tenet tibi dicere.* Et interrogans, quā parū vim significandi ab impositione ortam, tam parū potest illis vim *consignificandi* à circumstantiis provenientem adi-  
mere; unde etiam nunquam potest in-  
justam suam interrogationem ita forma-  
re, ut non semper adhuc Confessarius pos-  
sit liberè licetque rotundè negare.

275. Volui suprà dictos modos legiti-  
timè secrera sua contra injustos & violen-  
tos Inquisitores tuendi referre, ut & in-  
terrogati videant, quā apertam planam  
quæ viam evadendi habeant; & interro-  
gantes agnoscant, quā irrito conatu tam  
injustam Inquisitionem instituant, cām-  
que porrò instituere omittant, memores  
tandem, quod nemo ulla ratione & mo-  
do cogi possit ad id dicendum aut facien-  
dum, quo sine peccato ipse dicere aut  
facere; vel alius sine gravi ipsius injurya  
exigere non potest; cùm neque Jura-  
mentum, neque ulla lex naturalis, di-  
vina aut humana, neque ulla præcepit  
Superioris possit esse vinculum inqui-  
tatis.

Addo autem hīc, nullatenus esse ne-  
cessarium, ut Confessarius cùm injustè in-  
terrogatus dicit: *nihil scio ex confessione  
de peccato poenitentis; non est illud mihi  
confessus. scio mihi id non esse confessum &c.*  
simul expressè & signatè cogitet de uno  
vel altero ex relatis modis, sed sufficit, si  
animus habeat non mentiendi, & ali-  
quid horum velit dicere in eo sensu, in  
quo iuxta Ecclesiæ usum & DD. mentem  
cum veritate dici potest.

Omnibus prædictis loquendi modis  
ut

uti quoque potest pœnitens, cùm injustè de suis peccatis confessis interrogatur, si-  
ve jam à Confessario, sive à quovis alio.  
Reginald. lib. 3. n. 24. Bonac. tom. I.  
Diff. 5. q. 6. sect. 5. p. 4. n. 32. & alii. Idem  
possunt & cæteri omnes, quos sup. à n. 258.  
dixi esse ad sigillum obligatos.

lum à sacerdotali officio deponatur, ve-  
rū etiam ad agendam perpetuam pœni-  
tentiam in arctum Monasterium detru-  
datur. Sed cùm utique etiam Monaste-  
riis non admodum sit commodum, tam  
impios hospites admittere, ideo pro arcto  
Monasterio satius esse videtur, ut substi-  
tuatur alius pœnitentia locus in arcta  
quada custodia.

Pœna Depositionis & Detrusione est  
utraque sententia non latæ, sed tantum  
ferenda, adeoque non incurrit ipso fa-  
cto, sed tantum per sententiam Judicis.  
Fag. l.c.n.2. Lug. n. 147. Dian. p. 5. tr. II.  
Ref. 51. Judge autem competens non  
est Magistratus laicalis, sed tantum Eccle-  
siasticus, & quidem ille, cui tanquam  
suo Ordinarii subjectus est accusatus sa-  
cerdos. Bonac. tom. I. Diff. 5. q. 6. sect. 5. p. 1.  
n. 6. Palao cit. p. 19. §. 1. n. 14. & alii. In-  
quisitores ubi sunt, nunquam suscipiunt  
cognitionem seu discussionem cause de  
revelatione sigilli mera, sed tantum de ea,  
quæ est mixta cum hæresi; ut: si quis  
revelet sigillum, quia negat Pœnitentiam  
esse Sacramentum; vel negat Sacra-  
mento Pœnitentia esse annexum sigillum, &c.  
Dian. p. 4. tr. 8. Ref. 95. Bonac. Palao &  
alii.

Nonnulli volunt Confessarium sigilli-  
fragum esse etiam irregularem; sed recte  
ex communi negat Fag. l.c. n. 3. dicit  
que Barb. in Collect. ad cit. cap. Omnis  
utrinque. id esse improbat. Bene  
quoque negat Fag. n. 9. cum aliis contra  
alios, ejusmodi confessarium esse inhabi-  
lē ad testimonium dandum in Judicio;  
nisi quoad peccatum ex sola confessione  
notum.

277. Cùm autem in pœnis benignior  
Y fit

## SECTIO VIII.

### De Pœna violentium Sigillum, & Modo procedendi contra illos.

276. Jacobus I. Aragoniæ Rex ius sit  
cuidam Episcopo, Regis Confessionem  
revelanti, linguam sacrilegam à tergo ex-  
trahi, ut ex Aldrete refert Fag. Præc. 2.  
lib. 6. cap. 7. n. 1. aitque fuisse quidem  
tanto crimine pœnam condignam, sed  
non à legitimo Judice inflictam; intel-  
lige: nisi forte reus fuerit antè legitimè  
degradatus, & Curia laicali traditus; si-  
cur de Rege Christiano præsumi potest  
esse factum, quod de Jure faciendum  
fuerat.

#### §. I.

##### De pœna violentium Sigillum.

In Jure Canonico statutum olim fuit,  
ut sacerdos peccata sui pœnitentis male  
revelans deponeretur, & omnibus die-  
bus vitaे suæ ignominiosus peregrinare-  
tur. can. sacerdos. 2. Diff. 6. de Pœnit. Quia  
autem tam misera circumvagatio videba-  
tur esse dedecori statui Ecclesiastico,  
ideo, abrogatâ partim hac pœnâ, decre-  
tum est Jure novo cap. Omnis utrinque.  
13. de pœnit. & remiss. ut Sacerdos, qui  
peccatum in pœnitentiali Judicio sibi de-  
rectum præsumplerit revelare, non so-  
R. P. Stoz. Trib. Pœnit. Lib. II.